

佩文齋廣羣芳譜卷第九十二

卉譜

祝餘

增山海經招搖之山有草焉其狀如韭而青花其名曰祝餘食之不飢註或作桂茶

條種同名

增山海經符禺之山其草多條狀如葵而赤花黃實如嬰兒舌食之使人不惑石脆之山其草多條其狀如韭而白花黑實食之已疥

黃薺

增山海經竹山有草焉其名曰黃薺其狀如樗其葉如

麻白花而赤實其狀如赭浴之已疥又可以已附

葍蓉

增山海經嶧冢之山有草焉其葉如蕙其本如桔梗黑華而不實名曰葍蓉食之使人無子

無條 二種同名

增山海經臯塗之山有草焉其狀如橐茰其葉如葵而赤背名曰無條可以毒鼠 苦山有草焉圓葉而無莖赤華而不實名曰無條服之不癭

蕢草

增山海經崑崙之丘有草焉名曰蕢草其狀如葵其味如蔥食之已勞

籜

增山海經甘棗之山有草焉葵本而杏葉黃華而莢實名曰籜可以已膏

植楮

增山海經脫扈之山有草焉其狀如葵葉而赤華莢實實如櫻莢名曰植楮可以已瘋食之不昧

鬼草

增山海經牛首之山有草焉名曰鬼草其葉如葵而赤莖其秀如禾服之不憂

集藻贊增晉郭璞鬼草讚焉得鬼草是樹是藝服之不

憂樂天遣世如波滾舟任波流滯

榮草

增山海經鼓鐙之山有草焉名曰榮草其葉如柳其本如雞卵食之已風

荀草

增山海經青要之山有草焉其狀如蕞而方莖黃華赤實其本如藁本名曰荀草服之美人色

集藻贊增晉郭璞荀草讚荀草赤實厥狀如管婦人服之練色易顏夏姬是豔厥媚三遷

葶薺

增山海經熊耳之山有草焉其狀如蘇而赤華名曰葶薺可以毒魚

薰草

增山海經浮山有草焉名曰薰草麻葉而方莖赤華而黑實臭如薜蘿佩之可以已癘

風條

增山海經休與之山有草焉其狀如蓍赤葉而本叢生名曰風條可以爲籛

焉酸

增山海經鼓鐘之山有草焉方莖而黃華員葉而三成其名曰焉酸可以爲毒

蓍草

二種同名

增山海經姑嬀之山帝女化爲蓍草其葉胥成其華黃

其實如菟丘服之媚於人 泰室之山有草焉其狀如

茱白華黑實澤如蓂莢其名曰蓂草服之不昧

集藻贊增晉郭璞蓂草贊蓂草黃華實如菟絲君子是

佩人服媚之帝女所化其理難思

嘉榮

增山海經半石之山其上有草焉生而秀其高丈餘赤

葉赤華華而不實其名曰嘉榮服之者不寢 蛇山其

草多嘉榮

集藻贊增晉郭璞嘉榮贊寢維天精動心駭目曷以禦

之嘉榮是服所正者神用口腸腹

蔞草

山海經少陁之山有草焉名曰蒟草葉狀如葵而赤
莖白華實如蓂蓂食之不思

蒟草 **贊** **增** 晉郭璞蒟草贊蒟草赤莖實如蓂蓂食之益
智忽不自覺殆齊生知功奇於學

梨草

增 山海經太山有草焉名曰梨其葉狀如荻而赤華可
以已疽

猿草

增 山海經大騶之山有草焉其狀如著而毛青華而白
實其名曰猿服之不夭可以爲腹病

集藻 **贊** **增** 晉郭璞猿草贊大騶之山爰有苹草青華白

實食之無夭雖不增齡可以窮老

高粱山草

增山海經高粱之山有草焉狀如葵而赤華莢實白柎
可以走馬

雞穀

增山海經兔牀之山其草多雞穀其本如雞卵其味酸
甘食者利于人 姬山其草多雞穀

茗饒

增陸璣詩疏茗茗饒也幽州人謂之翹饒蔓生莖如勞
豆而細葉似蒺藜而青其莖葉綠色可生食如小豆藿
也

彙考**增**詩陳風邛有旨苕

鵲

增爾雅鵲綬註小草有雜色似綬

彙考**增**詩陳風邛有旨鵲疏鵲綬草也

莫

增陸璣詩疏莫莖大如箸赤節節一葉似柳葉厚而長有毛刺今人縑以取繭緒其味酢而滑始生可以爲羹又可生食五方通謂之酸迷冀州人謂之乾絳河汾之間謂之莫

彙考**增**詩魏風彼汾沮洳言采其莫

蓄

增爾雅菑當註大葉白華根如指正白可啖疏幽州人謂之燕當其根可著熟灰中溫啖之饑荒之歲可蒸以禦饑也 菑菑茅註菑華有赤者為菑菑菑一種耳亦猶凌苕華黃白異名

彙考**增**詩小雅我行其野言采其菑

芭

增陸璣詩疏芭菜似苦菜也莖青白色摘其葉有白汁出脆可生食亦可蒸為茹青州人謂之芭西河鴈門芭尤美

彙考**增**詩小雅薄言采芭于彼新田于此菑畝 **大雅**豐水有芭

藟

增爾雅藟牛藟註今江東呼爲牛藟者高尺餘許方莖葉長而銳有穗穗間有華華紫縹色可淋以爲飲

結縷

增爾雅傳橫目註一名結縷俗謂之鼓箏草前漢書
註師古曰結縷蔓生著地之處皆生細根如線相結故名結縷今俗呼鼓箏草者兩幼童對銜之手鼓中央則聲如箏也

蘆

增爾雅菡蘆註作履苴草疏卽蒯類也中作履底

搖車

增爾雅柱夫搖車注蔓生細葉紫華可食今俗呼曰翹
搖車疏華翹起搖動因名

綿馬

增爾雅綿馬羊齒注草細葉葉羅生而毛有似羊齒今
江東呼爲鴈齒繅者以取繭緒

朶

增爾雅朶九葉注今江東有草五葉共叢生一莖俗因
名爲五葉卽此類也

雞腸草

增爾雅葍蔞縷注今繁縷也或曰雞腸草疏本草云繁
縷味辛多生下濕坑渠之側人家園庭亦有此草

藹 一作藹

增爾雅藹蔓于**注**多生水中一名軒于江東呼藹 **本**
草一名馬唐一名馬飯一名羊麻一名羊粟節節有根
著土如結縷草堪飼馬

增左傳一薰一藹十年尚猶有臭

藹車

增爾雅藹車芑輿**注**藹車香草 **廣志**藹車味辛生彭

城高數尺重葉白花 **海藥本草**生海南山谷凡諸樹

虫蛀者煎此香冷淋之卽辟也又辟惡氣薰衣佳

集藻文賦散句 **增**楚屈原離騷畦留夸與揭車兮 **漢**

司馬相如上林賦揭車衡蘭

蔚華

增爾雅蔚華竊衣**注**似芹可食子大如麥兩兩相合有毛著人衣**疏**俗名鬼麥

玉紅草

增尸子赤縣洲爲崑崙之墟其東則滷水島左右玉紅之草生焉食其實醉臥三百歲

留夷

增楚詞註留夷文選作菑萸張揖曰留夷辛夷顏師古曰留夷香草非辛夷辛夷乃樹耳

增漢

文賦散句

增

楚屈原離騷哇留夷與揭車兮

漢

司馬相如上林賦雜以留夷

不死草

增十洲記祖洲上有不死之草草形如菰苗長三四尺人已死三日者以草覆之皆當時活也服之令人長生秦始皇時有鳥如烏狀銜此草來遣使者齎草以問北郭鬼谷先生云此草是東海祖洲上不死之草生瓊田中或名爲養神芝其葉似菰苗叢生一株可活一人始皇乃使使者徐福發童男童女入海採之

明莖草

增東方朔別傳天漢二年帝升蒼龍館思仙術召諸方士言遠國遐鄉之事唯朔下席操筆疏曰臣遊北極至鏡火山日月初不照有龍銜火以照山四極亦有園囿

池苑皆植異草木有明莖草如金燈折爲燭照見鬼物
形仙人甯封嘗以此草然爲夜照見腹內外有光亦名
洞腹草帝剉此草爲蘇以塗明雲之觀夜坐此觀卽不
加燭亦名照魅草採以藉足則入水不沉

吉雲草

增洞冥記東方朔曰臣有吉雲草十種種於九景山東
二千歲一花明年應生臣走請刈之得以秣馬馬終不
飢

神精香草

增洞冥記波祇國亦名波弋國獻神精香草亦名荃蘼
一名春蕪一根百條其間如竹節柔軟其皮如絲可爲